

LOCAL GROUP COPY

JIBARBAR IM KOTTOBAR

Kim, Armij in Jaluit, ilo am kile im kautiej Anij kin Yokwe eo an ejelok jemlokin, kin jimwe im maron ko am, kemij eifko Jemen -Ei in bwe en bedbed eo non karokan kien eo ejejit non Ailin in am kio im tokelik.

Eutiej buruom kin ro jimam mokta kin kijejeto ko air rebbin wot ilo air kar kijone lollelaplap in im drebij jukjuk in ber in am, eo nae etan Ailin in Jaluit.

Aillin in am, mene elon lan ko, tarinae ko ak kabokbok ko rellap wot, kim ar maron ella ioier im drebij manit im mour ko am. Kim im menin jeraman ko am, kemij kauroki einwot men in jolet ilo onake im kejbaroke. Ejelok bar juon men auroklok einwot lemoren in am eo ej aillin in Jaluit.

Kin Jemen-Ei in am, kemij likit konan ko am im mour ko am ilo aineman, borokuk, ilo drieklok kien anemkwoj kin jibarbar im kotobar ko am einwot ej walok ilo mejen kajjik in.

Kemij jake jebol eo non ro mottam kin buru wot juon aineman, jemjera, jela nae dron, kautiej dron kin lemnae im jibarbar ko einwot ke jej fbbe dron ilo meto in ekejibil kij.

ARTICLE I. ETAN LOCAL GOVERNMENT IN.

- SECTION 1. Jemen Ei in ej kien eo eutie j tata ilo ailin in Jaluit iumin Jemen Ei eo an Marshall Islands.
- SECTION 2. Etan Local Government in ej Jaluit Local Government.
- SECTION 3. Belakin maron im edro eo an Jaluit Local Government ej Jaluit Atoll, im ekkar non Article IX, Section 1(2) im (3) ilo Jemen Ei eo an Marshall Islands, ekibuj malo eo im bedbed in malo eo iloan Jaluit Atoll im non meto eo im bedbed in meto eo ej jebole ailin in meto lok non 5 mile jen ijo ej jino territorial sea eo an Jaluit Atoll ie, einwot an alikar ilo Schedule 1.
- SECTION 4. Jikin jermal eo an Council eo ej Jabor.
- SECTION 5. Maron in komon kien ilo belakin Local Government in eber ibben Council eo im enaj kojerbale ekkar non kakien.

ARTICLE II. BUKON KO IM MEMBER RO

- SECTION 1. Municipal Council eo enaj ejak kin Mayor eo im 31 ro jet kelet ir jen bukon in ekelel kein rej lajrak im oran dri kwelok jen bukon einwot ej alikar ikijen etan kajojo bukon.
- SECTION 2. Juon Alab jen juon bukon bareinwot kelet in dri vote ro ilo bukon eo non an kobalok ibben ro jet einwot wewin in ilal:

Jaluit	- 2	Representative	1	Alab
Jabor	- 2	"	1	"
Imiej	- 2	"	1	"
Imroj	- 2	"	1	"
Mejatto	- 2	"	1	"
Jitoken	- 2	"	1	"
Majirirok	- 2	"	1	"
Mejjae	- 2	"	1	"
Pinglep	- 2	"	1	"

- SECTION 3. Iroi jlaplap ro 4 an Jaluit Atoll einwot ilo manit rej bareinwot member in council eo an Jaluit jan ien non ien.

* ARTICLE III. RAAN KOMON KIEN EO

- SECTION 1. Maron in komon kien eber ibben Council eo.
1. Maron in komon kien ilo belakin Local Government in eber ibben Council eo im enaj kojerbale ekkar non kakien.

2. Maron eo kabbe ilo Section in naj kitbuj maron eo non -
 - (a) manlok, jolok ak ukot jabrewot kien ko im rej jermal ilo Jaluit; im
 - (b) Kabjer maron ko einwot air malok ilo Article IX, Section 1 im 2 ilo Jemen Ei eo an Marshall Islands; im
 - (c) Kojerbal jabrewot maron jab kalikar ilo Jemen Ei eo an Marshall Islands; im
 - (d) Kojerbal maron an council eo ikijen kow~~u~~ppen kakien ko ikijen ordinance ko.

SECTION 2. *Ekelel iuan Jaluit Council.

- *1. Ekelel eo non Jaluit Council enaj komon ilo Monday en kein kajilu ilo November in lokin ~~26~~⁴ yio otemjej.
2. Ekelel iuan Council naj komon ilo itino non aolep dri Jaluit ro im emoj air tobar 18 yio drettair im drittolo.
3. Ejelok armij en maron eligible non vote elane -
 - (a) ewor naninmij in komalij ibben; ak
 - (b) ej ber iumin kaje an kien kin un ko rellap.

SECTION 3. Ro remaron jibadrok.

1. Juon armij eo emoj an tobrak 25 year drettan emaron in juon dri jibarok non kelete bwe en iuan Jaluit Council.
2. Bwe en juon dri jibarok non Jaluit Council en juon armij eo ewor qualification kein ibben einwot an alikar ilo Article IV, Section 4 (1,3,5,6).

SECTION 4. Jea ko Ejelok Kobbair ilo Council eo.

1. Jea eo an jabrewot iuan Jaluit Council enaj ejelok kobban elane
 - (a) Ebojrak jen an bed ibben wewin ko im rej komon bwe en maron juon dri kwelok, ko im rej aikwij bed ibben ilo ien eo im ej juon dri kwelok; ak
 - (b) emij; ak
 - (c) ekamoje kin jet un ko ilo an jeje lok non Mayor eo; ak
 - (d) ne juon iuan council eo ej jako jen ruo ien kwelok ko ejelok kotair kin ejelok un im Mayor eo ej kamoje kin weppen eo an 2/3 in ro iuan council eo; ak
 - (d) Ne 2/3 in ro ilo bukon eo an rej kajitok ilo jeje non Mayor eo bwe dri kwelok eo air en bojrak jen an juon iuan Council eo kin juon un eo im enaj kamol ruon kake.

SECTION 5. Aitokan ien jermal an ro iuan Jaluit Council.

1. Ro iuan Council eo naj bed ilo Jaluit Council iumin 2 yio.

2. Elkin ekelel eo elap, Council eo mokta enaj wonmanlok wot non, Tuesday en kein karuo ilo January.

SECTION 6. Kwelok ko

1. Kwelok ko an Jaluit Council naj komon lokin jilu allin otemfej.
2. Kwelok eo maktata iumin Jemen Ei in enaj komon ilo Tuesday en kein karuo ilo January.
3. Jabrewot kwelok an Jaluit Council enaj komon iumin 7 ran in jermal.
4. Quorum eo non juon kwelok an council eo naj komon jen majority in aolep ro iuan Council eo.
5. Jabrewot kakien naj weppen kin majority in vote ko an ro rej bed im vote ilo kwelok eo.
6. Mayor eo emaron kir non special meeting ko ilo jabrewot ien ej lo ke emenin aikwij.
7. Jabrewot special meeting naj komon ilo juon ien eo en jab aitoklok jen 3 ran in jermal.
8. Council eo an Jaluit emaron ilo jeje im weppen an 2/3 in ro iuan kajitok ibben Mayor eo bwe en kir non juon special meeting.
9. Juon special meeting enaj komon wot non konono kin wot men ko rej walok ilo kojela eo.
10. Mayor eo ej e eo im enaj tel jabrewot kwelok ko an Jaluit Council.

SECTION 7. Rule in kwelok ko.

1. Scribe eo enaj komone journal kin kobban kwelok ko an Council eo.
2. Council eo emaron jen ien non ien komon rule in kwelok ko, rej jab idrabortok ibben Jemen Ei in ak jabrewot kien, non karok wewin kwelok im non lolorjake kwelok ko an.
3. Ijelokin wot an walok ilo Jemen Ei in, aolep kajitok ko iman Council naj lomnaki ekkar non jonan lon in vote an ro rej bed im kwelok im vote.
4. Elane jabrewot member ej kile ke wor jabrewot men enaj jelete e ilo an vote, enaj kwaloke iman council eo.
5. Jabrewot member in council eo emaron kajitok kin roll-call vote kin jabrewot kajitok iman council eo.
6. Ejelok member enaj vote elon jen juon alen ilo jabrewot bebe an council eo.

SECTION 8. Committee Ko.

1. Council eo emaron ejak Standing Committee ko iloan non jembali jermal ko an.

ARTICLE IV. JEBAN COUNCIL EO.

SECTION 1. Juon Mayor eo enaj jeban im bok edron lolorjake kien ilo local government eo im jermal ko an rej ellajrak einwot kein ilal:

1. Bok edro einwot juon chairman non Council eo im naj bareinwot bok edroin kejbarok record im makitkit ko an im kojela non aolep armij kin kien ko Council eo ej komani.
2. Rejan Council eo ilo ailin eo ak maron ko reutiejlok kin kien ko renaj emon im jejjet non armij ro ilo ailin eo.
3. Jiton Officer ro an Executive Committee eo einwot an Kien eo an ailin eo komalimi.
4. Ajejilok jermal im edro ko non officer ro an Council eo im komon ien non special kwelok ko an council eo.
- * 5. Bok edroin konono kin aikwij im abonono ko an Council eo ilo ailin eo lok non Senator ro aer ilo kien eo lolap.

SECTION 2. Mayor eo ej kelet in aolep dri Jaluit ro drein vote.

SECTION 3. Mayor eo ej aikwij bwe en win kin majority vote.

SECTION 4. Qualification ko.

1. Aikwij bwe en juon dri Jaluit
2. Aikwij bwe en moj an kar ber ilo ailin eo driktata juon year mokta jen ien ekelel eo im aikwij bwe en ber im jermal ilo ailin eo mojin kelete.
3. Aikwij bwe en ejelok naninmij in kemalij ibben.
4. En jab drik jen 30 year drettan.
5. Ej aikwij kolla ewoj ko non Council eo.
6. En juon eo ejanin ber iman Court kin jorren ko rellap.
7. Aolep ro rej jibadrek office eo an Mayor rej aikwij in file air petition im ej sign in 25 armij ro drein vote.

SECTION 5. Term in jermal.

1. Mayor eo enaj bed ilo office iumin ⁴ruo wot ~~yo~~. ?

SECTION 6. Jolok Kobban Office.

1. Office eo an Mayor eo ej ejelok kobban ekkar non wewin kein:
 - (a) Likit ilo jeje lok non Executive Committee eo kin an kamoje; ak

- (b) Elane 2/3 in dri vote ro ilo allin eo renaj jolok kin juon petition lelok non Council eo; ak
 - (c) Elane ejemlok term in jermal ko an; ak
 - (d) Emij.
2. Elane office eo an Mayor eo ej ejelok kobban ekkar non Article IV Section 3(1)(a,b,c,d) ilo Jemen Ei in, Executive Committee eo enaj jiton juon ian member ro iuan im ej iuan council eo bwen wonmanlok wot im komoni makitkit im jermal ko an Mayor eo mae ien emoj bar kelet juon Mayor kin juon special election.

ARTICLE V. EXECUTIVE COMMITTEE EO

SECTION 1. Ejak in Executive Committee Eo.

- 1. Juon Executive Committee an Council eo ej kio ejak im unlelep eo an ej bwe en lolorjake kien ko an Municipal Council eo.
- 2. Executive Committee eo ej report non Council eo ikijen makitkit im jermal ko an einwot kemarone iumin Jemen Ei in.
- 3. Maron ko an kajojo Executive Committee eo renaj itok jen ordinance jen Council eo.

SECTION 2. Ro iuan Executive Committee eo.

- 1. Executive Committee eo enaj ejak kin:
 - (a) Mayor eo; im
 - (b) 4 ro ijiton in Mayor eo im weppen jen Council eo.
- 2. Quorum eo non juon kwelok an Executive Committee eo ej 3 ekoba Mayor eo.

SECTION 3. Jolok Kobban Office.

- 1. Office eo an juon Executive member ej ejelok kobban elane -
 - (a) ejemlok term in jermal eo an; ak
 - (b) ej kamoje make kin kojela ilo jeje non Mayor eo; ak
 - (c) Mayor eo ej kamoje kin un ko rekkar im jimwe im kamol jen Council eo.
- 2. Elane office eo an Executive member eo ej ejelok kobban kin an jemlok term in office eo an einwot juon member in Council eo, emaron wonmanlok wot im komani makitkit im jermal ko an Executive member.

SECTION 4. Acting Appointment ko.

- 1. Ilo ien eo ej jako ak utamwe juon Executive member, Mayor eo emaron:
 - (a) Jiton bar juon Executive member non komani jet ak aolep

makitkit im jermal ko an; ak

- (b) Jiton juon member in Council eo non an makitkit im jermal einwot juon Executive member, ak men kein jimor.

SECTION 5. Jermal ko an Executive Committee eo.

1. Executive Committee eo ewor an maron ko non:
 - (a) Lolorjake kien ko ilo belakin local government eo.
 - (b) Lolorjake jermal in tel ewoj an local government eo.
 - (c) Lolorjake jermal ko jet im naj lilok non e kin kakien jen Council eo.

SECTION 6. Kabilok non Council ikijen wewin kein.

1. Mayor eo enaj kojelaik Council eo im Minister eo ikijen:
 - (a) Ijton, jolok ak kamoje eo an juon member in Executive Committee eo; ak
 - (b) Ijton eo an einwot an walok ilo Section 4(b) ilo Article in.
 - (c) Jermal im edro ko an juon Executive member.
2. Executive Committee eo enaj mokaj im kojelaik lok Council eo im Secretary eo an Internal Affairs kin ijton eo jen e kin an juon member in Executive Committee eo komane makitkit im jermal ko an.
3. Executive Committee eo an Jaluit Council naj mokaj im kojelaik Council eo im Secretary eo an Internal Affairs ikijen an Mayor eo kamoje iumin Article IV Section 6(1)(a)(b)(c) ak (d).

ARTICLE VI. FINANCE

SECTION 1. Council eo ej beke ewoj ko.

1. Ejelok ewoj en enaj koman non armij ro, business ko im men ko eirlokwt, elane ejelok weppen kin kakien.
2. Aolep ewoj ko rej aikwij koman jen Council eo ilo wewin ordinance.
3. Aolep money in ewoj ko rej tobraklok ibben Council eo rej aikwij drelon ilo Jaluit General Fund eo einwot ej kabbe ilo Article IV, Section 3 ilo Jemen Ei in.

SECTION 2. Executive Committee eo ej koblake budget eo.

1. Executive Committee eo enaj koman elmakot ko non kojemoj a budget eo non council eo.
2. Ejelok kakien in kojemoj en enaj weppen ilo council eo elane ejab ellemantak in Executive Committee eo.

3. Kojemoj ko naj jako kitier ilo jemlokin aolep financial year ko rejeleti, ijelokin wot ne ebar weppen jen Council kin ordinance bwe ren wonmanlok wot.

SECTION 3. General Fund eo.

1. Enaj wor juon fund eo etan Jaluit General Fund.
2. Aolep tax ko, revenue ko, money ko illok non Council eo, im money ko walok jen Council eo, renaj likiti ak kadreloni ilo Jaluit General Fund eo.
3. Jaluit General Fund eo enaj bed ilo juon bank eo karok in Jaluit Council.
4. Aolep bwe in money ko kojerbali ilo juon financial year naj jeblak non General Fund eo.

SECTION 4. Wewin kadroj money jen Jaluit General Fund eo.

1. Ejelok money en naj maron droijlok jen Jaluit General Fund eo elane ejab kojemoj kin ordinance non un eo, ak juon un eo me ej kobaik um eo im ej non an droijlok non jermal.

SECTION 5. Muri ko an Council eo.

1. Aolep muri ko koweppen in Council eo, naj charge i lok Jaluit General Fund eo.
2. Ejelok loan ak muri en enaj komon im laplok jen 15% in revenue eo ilo 1 yio.
3. Aolep muri ko rej aikwij dredrelok kollaiki ruo allin mokta jen ien ekelel iuan Council eo ekal.

SECTION 6. Executive Committee eo ikijen Record in Account ko.

1. Enaj an Executive Committee eo jermal im komane ak karok im kejbarok ilo wewin eo ejejit aolep record ko im account ko me rejelete Jaluit General Fund.
2. Executive Committee eo enaj bok edroin non lemanlok non Auditor-General eo, account ko im record ko non etali im bwine ekkar non Article VIII Section 15 in Jemen Ei eo an Marshall Islands.
3. Executive Committee eo ilo jemlokin year otemfej enaj report ak jakemanlok iman Council eo aolep record ko, im account ko ikijen jabrewot money im wewin an kar Council eo kojerbali ilo year eo.
4. Record ko im Account ko rebellok non jabrewot dri Jaluit.

ARTICLE VII. STAFF

SECTION 1. Dri Jerbal ro.

1. Mayor eo, ilo etan Jaluit Council emaron in jiton iuan dri jermal ro an Council eo kin weppen eo jen Council eo.
2. Wewin jermal ko an dri jermal ro an Council eo naj beki iumin karok an Council eo kin juon ordinance.

SECTION 2. Wonen ro iuan Jaluit Council im Dri Jerbal ro an naj kalikar kin ordinance.

ARTICLE VIII. MELAN EO AN JALUIT MUNICIPAL COUNCIL .

SECTION 1. Jimwe im maron ko einwot ilo manit.


1. Ejelok ijen ilo Sectinn 5 Article I enaj jolok, kadriklok im elkin jebjebeik jimwe im maron ko einwot air walok ilo manit ilo men ko renaj jelet bwirej.
2. Maron ko konono kaki ilo Article in rej maron ko jilu: Iroiylaplap, Alap, im Dri Jerbal.
3. Jimwe im maron ko ekar non manit rej jab oktak ilo jabrewot kakien.

SECTION 2. Ejelok bwirej en maron wiakaki, jataiki, ak jabrewot wewin eo ejelet kojerbale, elane ejelok melim im weppen jen Iroiylaplap eo, Alap eo, im dri Jerbal eo.

ARTICLE IX. OKTAK KO NON JEMEN EI IN.

SECTION 1. Wewin komon oktak ko non Jemen Ei in.

1. Jabrewot oktak non Jemen Ei in maron komon kin wewin kein ilo lajtrak in ilal:
 - (a) Kajitok in 2/3 in ro iuan Council eo im weppen jen 3/4 in aolepen ro drein vote ilo juon referendum.
 - (b) Kajitok in 2/3 in aolepen ro drein vote ilo juon petition im weppen jen 3/4 in ro iuan Municipal Council eo.
 - (c) Jabrewot naj menin kakure Jemen Ei eo an Marshall Islands.



Abner Lemae
CHAIRMAN




Jam Jarom
EXECUTIVE SECRETARY

Hatfield Lemae
MEMBER

Ben Jorkan
MEMBER




Diem Robert
MEMBER



Jordan Lemae
MEMBER


Kira Jally
MEMBER




Kam Wase
MEMBER




Elbi Loek
MEMBER



Akiti Apram
MEMBER



Kumar Bungitak
MEMBER



Julia Robert
MEMBER